

清公全書

詩 琴  
集 虫  
手 吟  
稿 文  
章

廿

十洲先生詩序

余嘗讀薛文清公讀書錄每欲一淺  
其後人又聞公有文集手稿從改名  
言諸刻本亦亟欲遍觀而吾識之顧  
以相去遠未能訪購時以爲憾歲甲  
子其雲孫諱天章者遊系師謁余官

邸前所聞諸書乃得縱觀焉繼又出  
其大父十洲先生塋集示余曰先大  
父登前明崇禎癸未進士為父清公  
九世孫品格行誼實出超焉詩若干  
篇藏於家今將謀付諸梓余惟十洲  
先生以名賢後裔兩宰劇邑有惠政

雖其詩不皆工猶當永其傳况名篇  
鉅什自不可沒也而天章一寒士於  
先生序紙隻字護惜且今奔走系師  
克成先志如此則於父清公諸書其  
奉持而篤好之以見於身體力行者  
又當何如耶余故樂而為之序

天津周人麒麟書



薛十洲先生詩序

乾隆九年予守官京師同里薛生天章聚糧踵門手其祖十洲先生之詩而請曰此吾祖之遺稿也吾祖為先文清公九世孫登明崇禎間進士令安邱鎮安有惠政其學行能步趨先文清公遺文零落僅存此篇惟先生錫之序以永其傳此亦吾先子之意也言已再拜而退予惟昔文清公未嘗言詩也攷之傳文清公十二歲隨父任滎陽父以所作詩賦呈監司監司竒之既而聞高密魏希文海寧范汝舟深於理學令從之遊文清公遂焚所作詩賦蓋自是不為詞章之學矣今文集中所載非其意之所存也然予嘗讀讀書錄之言曰薛子

嘗冥坐水亭忽鬱然而雲興滃然而雨集泠然而風生鏘然而蟲急羽者飛秀者植童者侍鱗者適羣物雜然而各聲其聲色其色薛子窈然深思獨得其所為聲與色者而中心怡悅不堪持贈焉予不覺恍然曰是非文清公之言詩也夫何文清公之善於言詩也今夫文待學而長皆可以人力至而詩之妙屬之天機天機者吾性靈之所鼓盪忽與有萬之趣相通而因以怦然於心而了然於口此詩之至者也三百篇之諷詠與夫周秦兩漢之歌謠樂府徃徃皆田夫紅女不經意之言而後之學者窮年不能得其一語蘇李之大成曹劉之自得六朝三唐以來亦鮮及焉無他為人使者易以偽為天使者難

以偽其不期然而然者天使之也是故以鳥鳴春以雷鳴夏以蟲鳴  
秋以風鳴冬物之不得不然者也天也哆兮似春淒兮似秋往者似  
贈來者似答是人之不得不然者也亦天也以吾之天迷於物之天  
而喜怒哀樂之感呈焉而長短疾徐之節中焉則詩之趣備矣甚矣  
文清公之善於言詩也今觀斯集命意摘詞真慙有味皆達其中之  
所不得已絕非世之媿青黃鑠肺腑強言以求悅於人者吾知其與  
文清公有合也有詩人之懷而後可以不言詩文清公是也有文清  
公之懷而後可以言詩此集是也詩曰惟其有之是以似之則十洲  
先生之能追步文清公也信矣遂書以歸之



乾隆九年歲在甲子夏五月端陽前三日蒲坂崔紀序



蓼蟲吟

龍門十洲山人薛昌胤著

合河孫慶槐嵐溪

同編次

石城王居正貞齋

古體詩

賦得客中雨聊以撥悶

客中雨傷客心柿葉擁途滿寒雲棲樹深人生老大  
悲車轍行道遲遲芳草歇可惜男兒一片氣牽衣兒  
女鷄鳴別宵長郵舍不成眠天波又擁簷頭泉桂玉  
關心逆旅切探囊漸縮青銅錢兀坐空堂如木偶僕

來問我沽鄰酒提壺艱步向泥塗蜜甜不適詩人口  
極目雲陰覺漸疎驂驛欲駕衰顏舒霧合復擁怒蛟  
起客兮客兮將何如

紀夢

綵雲高百丈結蓋半天中忽自他門出光輝逼我躬  
手擁斯華廳驚愕面頰紅閭巷四無人瞥眼見先公  
問我胡爲爾遜謝語急匆湏臾宗人多觀者徹西東  
正在躑躅間城頭鼓鼙聲此夢三刀似爲時八月終  
寒灰今已矣誰復念其豐

同衛孝廉登龍門

間關少壯家常寄生長龍門賞未遂孝廉携酒御風  
來振衣直上看鶴臺身世與空隱興會際烟飛久苦  
塵中趣立襟思息機洪鑪作山太古前斧鑿利導非  
矯天今人餘技長詡詡古人神功視若捐眼空不受  
織物障青冥之外何其曠一線黃流纏六鰲於中繫  
扼晉秦吭東望王屋西崑崙嵯海淳南素不渾高低  
複岫趨燕支連千萬里爲北門向夕雲拖天驥步轟  
雷白晝鯨起霧九折波心草離離歸然獨存明德墓

山下搖艤水箭流山頭岸憤坐高秋飛觥共爾觀元  
化涵虛一氣橫九州

浙東作

瓠落閉門而已矣胡爲馳走四千里囊中羞澁一錢  
無贖貯吳山與越水踏遍天南故舊稀龍門家在未  
能歸江湖滿地春陰合雲外行行雁北飛

雪中偶興呈友人

正月二月白雪飛梅花梨花是耶非要湏滿酌高陽  
酒射虎南山並馬歸

近體詩

得陶山暄社丈書

陶以詩自負余復以詩受陶知所謂傾蓋而  
故者非耶

四海豈無友蒼茫誰識音但憑詩卷在不用酒杯深  
古道開青眼騷魂結素心雲邊雙翰墮瞻望筦花岑

代輓文安井封君

平陽司李井公尊人

畿甸推黃綺何期隕少微龍蛇悲歲事箕尾失光輝  
家訓忠兼孝孫謀德作衣故鄉千里外遙馭白雲歸

聞雁

灌木微霜夜蕭蕭雁陣過聲悲連紫塞羽濕近明河  
助力天風少啣蘆矰繳多百年遵渚意吾道任蹉跎

酌高公孟彪墓

高公沒十年矣余未嘗一至其墓衷實缺然  
冬日小暇偕甯君雲從往携酒一壺以酌之  
神理有知庶幾不負平生之言

幾年埋玉樹此日酌椒漿以我窮途恨看君宿草荒  
雲陰呼鶴鵲日氣散牛羊痛念論文友高歌淚數行

其二

故人半長夜悲汝倍難任  
天地蜉蝣意平生金石心  
仙城長自閉華表竟誰臨  
隴月遙空下宵寒狐兔深  
寄內弟張一哉茂才

爲問張平子近來安穩無  
了知經歲別不寓一行書  
抱甕余機盡屠龍爾技踈  
黃花新釀熟過訪與何如  
絳園懷孫

夫何以云絳園也余膺絳州使君之聘訓其  
俊秀館之郡治後居園池中蓋古名云泐漣



亭嘉禾樓卽在其內

孫子佻離甚懷渠切念歸五齡猶襁褓昨日失慈闈  
孺欲調寒暑餐誰恤飽饑靴去我遠不覺淚沾衣

訪甯君雲從

南北里居近星羅汾水潄烟林合靄色鷄犬接風音  
自結素心友各愁華鬢侵興來單步往談笑共披襟  
初夏苦雨

梅雨連旬黯不開層陰寒結九河隈驚吹翠麥翻芳  
隴怯轉黃鸝坐古槐多病欲抽平子賦老狂難負步

兵杯獨憐家寄臯橋久坐對飄搖莽自哀

夏日甯雲從見過

槐柳風多數畝邨午陰深處不關門人因舊識頻相  
過心到窮交可共論河畔草封楊子宅城南瓜發邵  
平園微吟細酌紛吾感月上松寮叩瓦盆

宿萬泉郭村次早大風薛韓若茂才邀飲即席

賦謝時清明前一日也

停驂村徑噪昏鴉晨起紛驚入面沙地主蠶厨真好  
客詩翁得酒便爲家林花競吐清明萼陌草全滋雨

露芽投轄風流今見汝肯辭沉醉負春華

讀陰給諫王天部同遊王官谷詩屬韻時二公

卜築谷中

幽谷苔深麝卧香招呼命屐喜連牆松坳竹塢溪間  
碧瀑氣山顏雨後蒼一自二龍成偃卧甘從孤鶴老  
行藏携尊掃石煙嵐暮歸掩岩扉月滿床

杪秋洛陽道中

嵩岳雄蟠天地中黃河如帶復奔東帝圖漢晉山陵  
在王會成周澗洛通柿葉舞風驚駐馬沙洲過雨下

歸鴻生涯此日岐南北飄轉中原何處蓬

九日同甯雲從登高

孤懷秋晚一蕭騷連臂同人好共遨竹葉傳將汾水  
曲茱萸插近太行高天清落水酣餘响風急征鴻褪  
幾毛頗感知音類鍾子無絃流水爲君操

其二

風搖平野氣森蒼四眺河山萬里長地肺東西分霍  
稷襟流日月盪汾黃關雲過嶺寒拖兩岸荻垂花曉  
漸霜落帽臺前頻起舞白頭猶逮少年狂

中秋絳署讌集

尊前華月拂雲和秋色蕭疎半已過風露瀾空金戒  
律山川入鏡玉爲波光翻鷺鳥移深樹氣逼潛蚪舞  
大河海內交遊今夜酒不妨乘醉一高歌

其二

孤城角奏數聲幽古戍烏啼落葉稠桂闕瑤華憐不  
夜歌梁錦曲劃深秋豈無叔夜山頽座亦有元規興  
滿樓鴻雁嚶嚶叫青漢歡來拋盡異鄉愁

秋夜居園池獨坐

荷塘柳砌半離披  
譙鼓殷殷畫角悲  
燭暈無勞風過  
剪蘊青似許月來窺  
最憐詩骨逢秋瘦  
輒觸鄉心抱  
葉馳莊舄只今吟  
不輟寒生孤劍雁飛遲

辛亥五月初度

儋石無儲道未乖  
逍遙幽澗卽蓬萊  
林還暮鳥孤亭  
過園長新蔬細雨來  
中酒而醒標阮趣  
讀書非聖付  
秦灰乾坤鼎鼎存  
吾輩祇此龍鍾散木材

賦得長安秋雨同王丈石庵分韻

秦城風雨雁鳴臯  
坐聽浪浪患耳聾  
渭水波聲應轉

急終南寒色倍增高蘼蕪欲變人歌缺湖海相知夜  
舉醪偏訝蛟螭平地出何須遙問廣陵濤

秋日高陵道中

觸來風緒墮林芳秋入秦天古道長三輔樓臺多壯  
麗萬年河華自金湯無聲石馬唐陵出有字沙鴻漢  
渚翔老眼迷離還勒馬寒雲野日暮蒼茫

絳園對雪

未起呼童問雪花餘清遶檻興交賒狂吟細賞真無  
柰遠眺高凭未有涯命侶祇宜三雅酒封林微見一

行鴉遲回更訊梅花信並照書窻靜夜紗

己酉初度

身閒真欲補蹉跎敢向浮生惜鬢皤酒自病來從未  
減詩當裁後費長哦小男得乳容光好孫子勝衣禮  
數多上款皇天垂蔭永厨空無米便如何

題王雲將先生超然臺

胸無一物便超然更有凌空百尺懸縱目閒雲歸遠  
岫曠懷幽鳥舞寥天難拋月白風清後長寄山青水  
綠前何必坡仙非故我登臨千載臂相連



獨酌

處處羊腸世路難時情何陸不興  
瀾一樽掌上銷千慮百詠瓢中  
闊兩丸履盛似聞冰是熱樓枯  
真信火爲寒雀羅門戶經時閉  
靜裏微開醉眼觀

從兄延安公本敬哀辭

悠悠丹旆返榆枌慟徹重泉詎可聞  
河海一漁空悵我乾坤五馬不逢君  
鴿原草宿蕭蕭雨狐首魂歸漠漠  
雲明歲碧桃花放日莫教春色渡清汾

管鮑分金處

泗州

貪婪惟管子鮑叔豈知心近來交自素白首不言金

九日

秋色驀相遭黃花笑二毛佳時杯在手獨卧是登高

邀友人看海棠

春雨如絲濕斷雲冥冥煙霧擁僊裙美人睡足青綾  
幃小立瓊軒似待君

度大慶關

中條積翠大河流鶴鵲翻飛擁郡樓雲樹茫茫汀雨  
散有人騎馬過關頭

楊花

最憐風色起章臺  
淡宕雲衣妙舞才  
溪水自流春自去  
幾絲飛入鏡中來

春日山行見老翁飲牛溪礪踞石濯足其傍

飲牛不是飯牛人  
濯足滄浪溪水春  
白髮翛然空萬慮  
前身恐是葛天民

其二

芝草青精好駐顏  
振衣天谷日閒閒  
紅塵不起山花赤  
溪上春雲共往還

司先生來自密縣惠天仙宮白松圖

黃帝葬三女處

軒轅宮裏佩珊珊素月流空寶露團  
一笑紛乘鸞背去銖衣光照大千寒

### 華陰道

華陰廟前仙掌痕華陰廟後濁河奔  
煙樹滿川秋萬里秦陵漢時不堪論

### 驪山

過客停車潦倒評驪山水火太無情  
西周天下唐家社兩博蛾眉一笑聲

晒書戲作

千卷何如換百壺更堪多病筆花枯野人偶興搬書  
晒真箇胸中一字無

九日

汾水秋風木葉飛水南深掩綠蘿扉登高不是無佳  
幸滿目黃花酒伴稀

蓼蟲吟續集

龍門十洲山人薛昌胤著

古體詩

過嚴陵釣臺

七里灘頭泠泠水周圍山色何竦峙先生孤意偃其  
間故人何人文叔是天子徵來無得臣足加上腹動  
星辰禁中共卧容長蹙掉臂却歸江上春日日持竿  
不在鯉漢家九罭賴有此雲臺功臣散曉煙蓼蓀千  
秋惟君里逸鳳神龍不受羅溪光雲色四時和寄言  
大澤羊裘老容我披裘過此麼

晏起

十洲鹿鹿姿未有魚魚雅  
茶蓼味經掌顛頑性彌野  
洞漣亭上楊柳風炎天裸體卧樓中三更誤入華胥  
國起視高春十丈紅

瑞雪二十韻

井司李課士題

夜懷多栗冽開戶異山川  
歷歷來空際翩翩過溜前  
霰微初絕續風急乍回旋  
皓潔浮塵表虛明識象先  
依冬花轉媚白晝月加妍  
訪戴非無興和蘇亦有篇  
逍遙鶴警客綽約藐姑仙  
酒訝壚頭貴冰增水骨堅

落雁平沙外啼鳴古戍邊羊羔傾蕙幙驢背倒梅天  
簡授梁園賦徽捺郢國絃甄妃鳴佩去鮫女獻綃還  
某立程門久疇持漢節全綈袍寒有贈彩筆夢爲傳  
莫辨棲珠樹難分種玉田軍聲亂鵝鳴寘座擁貂蟬  
香自金鑪吐茶從石鼎煎袁安寧嗜卧東郭不邀憐  
遠色心孤照高空意淡懸採謠今大史彤管紀豐年

近體詩

登樓

危樓需緩步百尺倚斜陽人物方諸豆雲山約半暉



德鎬公子魏酒界故墟黃天地悠悠意惺忪淚滿裳  
得陶山暄社丈書

余與陶俱尸祝范橘洲先生詩來書云從友  
人新購二帙安得夷猶共賞如昔歡也

稱詩有范公老筆闡宗風欲掃齊壇長羞循趙步工  
孤心集元顯獨手擘鴻濛爾得明珠富堪知剖腹同  
夏日訪丁元祥先生

公明經不出家積書千卷齒德尊邵爲鄉邦  
表投分先子特厚

鶴調高士韻，鷗狎野仙居。走奉圯橋履，來探鄴架書。  
鼎彝刑世遠，泰斗起頑餘。六月歆蒸候，清風自穆如。

其二

傾壺蒼栢下，剪韭淡園中。散帙名山雨，披襟活水風。  
品如祛纓玉，人是未孩翁。宿草懷先子，雞壇氣義同。

其三

榮期年七十，帶索起行吟。機事生無預，沙埃老不侵。  
百錢懸杖意，數壠釋耕心。時覺餘清振，林巒發嘯音。

代輓文安井封君

平陽司李井公尊人

龍德爲仙史牛眠作壽宮玉棺何日下石櫛若堂通  
黯淡燕山霧悲鳴督亢風嗣賢崇令德端不媿蘇公  
歸自絳汾干道中

匹馬汾干道灘聲水泊磯低鷗浮渡去迅鶻引人飛  
霜葉疑燒陸風砧逼授衣別家煩暑月秋暮暫言歸

對雪

二月尙飛雪輝輝樓榭間仙膏滋嫩柳顛氣失童山  
沙雁歸猶滯林鶯語未蠻奚奴真解事絲絡玉瓶還  
重感

爛醉了，平生蚩蚩濁世情，幾人遇仙子，脫手點金成。  
老大憂方劇，長貧債不輕，科名真誤我，宿負是奇贏。  
贈劉宜之先生

黃金臺畔客，千里屬龍媒，汗血天西至，霜蹄冀北來。  
選山堪入搯，移斗可當杯，幾曾設城府，五臆洞門開。  
重感

饑凍應吾分，情傷舊業中，古墻多壞雨，華屋漸搖風。  
呼匠何時集，遊囊四海空，拙鳩心半死，垂淚阮途窮。  
和人耒陽吊杜工部

公遊衡岳阻雨艱食一夕飲白酒卒

日月忽淪精  
蚩蚩元化情  
如何詩伯死  
不逐醉泥生  
岳泐名難朽  
湘渾句轉清  
沉冥千古事  
采石又騎鯨

嘉禾樓雨望

出海蛟螭雨  
連山過滄汾  
樹從烟外合  
城向霧中分  
毛髮通雲氣  
空青滙穀紋  
凭高堪適我  
浣暑更憐君

宿臨淮縣長橋夜雨感作

臨淮古塗山地

飛虹千尺錦  
波長沙草青  
驪暫解韁  
南國烟霜通  
海嶠塗山風  
雨暗河梁  
夢回殘炬  
城頭角書  
溯長淮水

上魴貯匣龍鱗寒自動豪吟激宕大堤傍

寄題華陰王玉質先生手蓉閣

太華峯高菡萏開王君飛閣對崔嵬石披秀品緣空  
入雲吐奇香遶檻來破夢彩毫占氣象倚天雄劍失  
時才夕風長嘯孤霞際何處鸞音散八垓

其二

軒臺面面翠微通卷軸深函鄴架中一代文詞凌白  
帝四時天地挹薰風長看錦樹開雲窟回首金莖接  
漢宮世上元龍今復幾神交千里月戎戎

過辛封村卜子夏祠

在予邑西北有墓存焉去龍門十里許

巖祠城北傍荒丘夙抱今來展一卣冕服明霞千嶂

色文章麗日九河流長松老檜人如過絕學微師我

自求端拜郊宮儁雅地皇皇古道照閭浮封衛國公故冕服

丁村喜遇故人楊猗丘絳州茂才初識于朝陽洞

河上逢君十八秋蓋珠宮闕憶同遊文章盛事花前

賞山水清音句裏酌歲月浮生驚轉電乾坤老髻付

輕鷗佩來孤劍雙龍合痛飲狂歌下榻留

寄王侯庵年丈

時守西粵之平樂府

二十年前携劍遊新豐每與故人酬高歌縱酒留燕  
市辭塞分行出帝州衙木豈紆精衛恨啼花欲結子  
規愁炎荒萬里看知己天北何人獨倚樓

其二

大守風流指越鄉百蠻烟雨鬱相望魂浮灘水遙連  
嶺夢度君山遠在湘一壑可憐淹仲蔚專城未必老  
馮唐朝廷推轂藩臣重節使疑眸到冀方

辛亥五月初度



草閣春風颺髮秋，遽年馳至水東流。  
孤峯幸可開青眼，萬事惟宜舉白頭。  
頗似脩齡安病鶴，每於陸地領溪鷗。  
童孫幼子還膜拜，抱甕開園沙上洲。

其二

客來雞黍款逢迎，珠落香槽一再行。  
豈爲夢松勞幻想，早從攀栢感餘生。  
雲霞作饌天精異，肌骨眠床瑣子輕。  
抱膝不須追徃役，坐增烏帽素絲莖。

其三

布被平津得志時，吾生耆艾亦惟期。  
情移海上成連

見夢入隍中樵者知應馬止宜長唯唯亡羊誰辨又  
岐岐釋耕雙隱清風在望古高吟有所思

雪中登樓

朔雪飄揚不出門憑虛回首眺中原銀封山海渾無  
跡玉琢乾坤似有痕樹杪寒光虬隱霧風前流影鶴  
乘軒還期廣莫梅花塢清興傾翻綠蟻樽

春日居園池憶孫

年近知非初作祖有孫駒齒欲三週敢論駟馬門中  
地須衍詩書箕後蓑蘭葉芳園春冉冉鯨堂華月夢

悠悠仰憑先澤由來遠自有鄉人說太丘

憂旱

南岳炎風煽九圍雲生膚寸摠多違商羊野外乾無  
舞百燕山中嬾不飛穎粟漸辜農父望桔槔猶觸丈  
人機回焦作沃崇朝事浩蕩神功尚可希

從兄延安公本敬哀辭

急足計聞六月寒炎風淒厲火雲酸將無杞國天驚  
墮乍育黃河水欲乾不盡猿鳴腸斷峽森垂鮫泣淚  
盈盤妻孥遠道何從訣弱弟扶歸白玉棺

其二

南國棠陰垂楚天西遷佐郡出  
廊延歸來讀禮三年後重謁彤雲  
萬里邊朱鳳啼殘燕市月青麟愁  
絕菊門烟不堪落木高竽夜總帳  
還尋子敬絃

絳園春感

曉起窺園帶草圃東風海上遞芳菲  
病留短褐人嘲熱歲稔空倉兒苦饑  
碧沼花浮春水至朱樓燕盼故梁歸  
相如四壁仍凋落俯仰乾坤未有依

時將移家

和高鹽梅先生見贈韻

一斗醱醺七字詩，騷愁百結寄惟斯。  
蔗漿罕茹甘難慕，蓼味經嘗苦飽知。  
栩栩風期多偃卧，勞勞生態任狂痴。  
不才慙負先生譽，擢首人間未可期。

趙同州乾符年兄奉諱奔武鄉邂逅翼城垂示  
途次贈別之作依韻和答

深秋風雨雁南歸，南歸忽漫相遭一。  
把衣淒斷河山雲，變采蒼茫天地樹。  
淪暉幾年吏，悞神君少三輔人。  
歌慈母稀媿我飄零同，落葉啣恩心在白環非。  
曾受割俸之貽

園晚述懷

遠嶂霞飛樹樹紅餘暉猶麗宿烟中一池蛙鼓昏鳴  
雨萬柳鶯簧曉散風豆淺無從飫驥秣綠長久自閉  
鵬籠只今束縛談經地枯鱗何如漢馬融

又懷孫

長大難期駿與駘索梨呼棗尙爲孩憐他慈幄春相  
背使我愁腸日九回解弄雞雛貪作戲欲登狸首未  
知哀如何百里家山道不渡清汾入夢來

絳園夜懷

清冬入夜慣遲眠壁靜琴書一燭懸池月微微低檻

外霜鐘肅肅散簾前食貧遠遜中人產貨殖羞披太  
史篇每欲棄瓢尋五岳土牛拘繫亦堪憐

輓王象德社丈

公明經才名藉甚以嬰羸病不  
起

蟬聲部部散清商訃聞驚傳夏轉涼惜矣休文捐病  
骨奇哉奉禮賦天章琴書珍重名山外風迹留餘帶  
草傍數十年來文酒友雞壇回首淚成行

爲吾子慰其婦若女之逝兼以勗之

未是中年已鼓盆膝前嬌女不生存吾兒莫道腸千  
斷汝父相憐淚幾吞倘識存亡爲大數便應啼笑付

清樽澄心遊戲圖書府萬里圖南待花鷗

重陽遇雨與客約遊鼓堆不果絳園有作

籬花才綻雨涔涔却負登高一片心神女擲鈿隨落  
木鮫人鳴杼雜寒砧仍飛竹葉惟清暑便插茱萸異  
碧岑不是山靈能如客白頭策杖亦來尋

杪秋絳園謝事歸汾干道中有作 四首

百里歸休罷講壇輕車啞葉聲寒搏風鵬鸚知天  
濶得路驂騮識地寬孫子候門牽袂入兒曹行酒博  
宵歡冷吟閑醉堪娛老還把黃流一釣竿



其二

四年歸客夢徬徨  
鐵羽艱飛一寸長  
春盡蛙鳴溪上雨  
清秋雁叫樹頭霜  
須知孤館難爲耳  
長是中宵起攬裳  
今日搖鞭驅馬去  
穆生甘醴自盈觴

其三

橫汾秋晚水悠悠  
此去常如不繫舟  
籬落黃花迎有喜  
亭臯紅葉送無愁  
田荒百畝猶存畔  
酒賦千鍾自數籌  
晚照坡前雲覆屋  
片帆飛過白鷗洲

千里有晚照坡

其四

重陽是日好停驂到卽呼朋上埠丘老興猶狂陪落  
帽黃花亂插各盈頭薰葭野色村村靜蟋蟀寒聲處  
處咻見說故林風物好鄉思不賦昔登樓

秋日高陵道中

觸來風緒墮林芳秋入秦天古道長三輔樓臺多壯  
麗萬年河華自金湯無聲石馬唐陵出有字沙鴻漢  
渚翔老眼迷離還勒馬寒雲野日暮蒼茫

朱仙鎮

大梁南去接朱仙立馬危橋萬柳邊壁上金牌頒十

二行間鐵騎憤三千心驚鑿輅黃沙外淚濕山河碧  
草前落日荒荒雲拂野如聞鉦鼓下遙天

哭秦生周建

文士數奇千古恨漁陽搥動鼓音酸貧如原憲仍多  
病天似顏回亦有棺蒲腹經書玄蠹化衝天劒氣夜  
鱗殘平生風義兼師友老眼爭教不淚彈

客中無酒戲成

山鄉不作酒樹掛垂天斗豈乏高陽徒黃金空復有  
夜起值雪口號

披衣中夜興，窻月何光潔。  
開門地滿花，不是月是雪。

雪後

天地蘼寒光，樓臺儼靚粧。  
閉門雪在竹，開門雪在床。

止宿酬薛生

麥秋農務急，郵舍罷居停。  
俗眼從多白，憐君物外青。

其二

榴邊開晚閣，竹下脫征鞍。  
酌醴青天月，窮途寄一歡。

其三

結客少年場，相遭擬鄭莊。  
雞鳴拂劍去，好趁五更涼。

將歸登嘉禾樓

涼風來萬里陸海夕陽寬獨雁沙洲在高飛未過灘

閉關

以南以北茫然爾爲舌爲牙誤用之徑竹猶堪容小  
隱漆園瓠落伯陽雌

獨酌

管領糟丘華髮新天慵吾自愛吾真爭知玉續千年  
死不有鄰家作後身

宿穎橋

洗耳名高千萬秋陶唐逸士傲垂旒  
客塵滾滾風沙惡商畧殘纓到碧流

九日

何須落帽覓風流不假山情與酒籌  
試看陶公籬下坐柴桑以外更無秋

妬婦津

楊柳通津畫舸開憑陵鬼物妬奇哉  
蛾眉問渡風濤作只合無鹽嫫母來

其二

洛神虛誦兩三行故劍沈浮亦可傷好與平情波浪  
裏宿瘤何必勝齊姜

九日登嘉禾樓

翠嶽南山接素秋鴻邊吾倚仲宣樓重陽不必兼風  
雨霽野霜空萬里愁

新豐

新豐酒味不勝滴疎柳殘陽酌一卮欲問當年舊雞  
犬鷓鴣飛老漢家基

自八月至九月苦雨有述

壬寅

中秋山外重陰合九日堂前暮雨賒豪士停杯憐玉  
鏡幽人孤枕夢黃花

邀友人看海棠

春雨如絲濕斷雲冥冥烟霧擁仙裙美人睡足青綾  
幃小立瓊軒似待君

清明前一日吾兒方發絳園風雨頓作悵然有  
懷

爾出金臺望眼寬淡黃新紫迂歸鞍獨憐一道龍蛇  
雨沙驛霏霏不盡寒



其二

誰能寒食不思家兒去羈愁一倍加况是青林微雨  
過飛飛燕子更穿花

明妃出塞圖

風高玉袖抱琵琶白馬翩翩度塞沙一步長門逾萬  
里陰山較近漢宮賒

仲冬送友人高孟彪之任茂名少尹

屬廣東

四山霽雪郵間掛夾路寒風馬首催從此河關千萬  
里勞歌須罄故人杯

其二

東南旣越跨雄州君以微官作遠遊吏散鴉啼蠻府

靜白雲閒遶海邊樓

君有嚴親故云

洞漣亭夜坐寄示吾兒

倘許詩書消永日亦知鐘鼓報黃昏無營老子癡頑  
矣百里懷牽一歲孫

其二

雨散高城月色過池頭倚杖一微哦東陵祗是瓜田  
叟藜閣傳經媿已多

中秋嘉禾樓望月

朱樓逼漢酒盈觴  
桂魄風清散異香  
地轉汾流非遠  
上天開明月是他鄉

洞漣亭引水

春流曲曲遶花叢  
池柳千條翠拂空  
入夜濤聲飛不盡  
雕闌風雨月明中

冬夜不寐卽事

永夜孤城鐘漏稀  
半簾霜月浸寒輝  
南枝正有梅花吐  
驚怪莊生蝶不飛

九日追悼本敬先兄

去年此日麗譙間，弟勸兄酬扶醉還。  
片雨片雲秋色冷，閉門卮酒泣河山。

正月十六日卽事戲成

青娥連袂出遊時，玉面羅襦絕代姿。  
肅屏高衙遊已遍，還窺百子妙蓮池。  
洞漣亭下

再題楊花

膚弱無力趁東風，鎮日悠悠似夢中。  
上苑春光雖識面，翻飛贅作九秋蓬。

課及門夜讀卽景有作

一天秋碧漢西東  
梧葉離離月正中  
樓盡寒鴉庭似  
水讀書聲徹亂燈紅

夜讀熊吏部雪堂先生詩集

觸手琳琅琢雪新  
蘭膏熠熠續燒銀  
定知吏部名山  
意留待佞亭解事人

迎舅氏汾北

渭陽春樹隔漁津  
命棹歡迎骨肉親  
舅氏七旬甥五  
十相看同是二毛人

贈門人劉霞花燭

霞標冠玉自翩翩，爭羨乘龍美少年。  
尚有龍門桃浪潤，從今須策祖生鞭。

夏夜洄漣亭聞雞

城漏頻移且未栖，城中擁膊遞號雞。  
乾坤鼎鼎清音曉，舞破漣亭月一溪。

春懷寄友人

芳林黃鳥試初蠻，花落南山與北山。  
三寸硯田耕未了，不知春色滿人間。

春夜絳園作

溶溶月照萬人家，  
角斷鶯啼幾樹鴉。  
自著寒灰心便死，  
三春無夢到梨花。

和人題爛柯山圖

爭傳樵子卽仙子，  
不知樵子讓仙多。  
真仙雞犬騰空去，  
樵子何曾庇一柯。

夏午洞漣亭睡起

蝶國風清一枕酣，  
槐森亭北柳垂南。  
靈池日抱龍文麗，  
不必澄江與碧潭。

十六夜月

銀漢初斜度雁行  
高林垂露未爲霜  
縱虧天鏡一分  
影桂子流馨遍八荒

讀唐才子詩偶題

自笑爲詩三十年  
襄城之野轉茫然  
誰知哲匠輪扁  
手慘淡文心不可傳

雪中招友

如斯清景惜孤吟  
白玉樽開待子臨  
莫道高眠呼不起  
同雲片片晉山陰



温泉宮

當年妃子浴温湯水浸荷花竟體香  
七寶屏前宮女立待燒龍腦試霓裳

其二

七夕雙雙看女牛今生早爲後生籌  
那知中道分連理暖水鴛鴦不共遊

秋日山行見柿葉嬌紅可愛處處有之戲爲絕句

羣玉山頭玉女容絳羅衫子護秋風  
溪橋一道飛流

急疑有胡麻屑泛東

秦中歸題北梁主人壁

不是王門去曳裾長河西渡問誰依  
時時濯足新豐酒粗免青山慟哭歸

王勉之夜訪

踏月凌寒見故人三杯草酌話情親  
貧交往往多踈禮宥佚堪知我輩真

庚戌初度

鏡漸增華帶漸移回頭四十九年非  
楚弓得失何須

問猶是虞鄉舊布衣

夏日過庄社里玉帝廟

閭闔風生六月秋誰教紫殿起青疇  
布衣未敢朝天帝寶座中間看袞旒

石家制義目錄

永樂朝

儀封人請

一日克己

大孝之道

身有所忿

一節

勿動

一節

一節

朔川俞長城論次

流連荒亡

仁義禮智

一勾

者也

儀封人請

一節

人未見聖而思之切既見聖而嘆之深夫天不喪道二三子可

不患矣封人信之以天所以一見而有木鐸之嘆也惟時孔子微

至衛道於儀有隱君子者溯跡於封疆之間其姓與名不可得

傷矣封人其官也彼其望聖人而若企前從者而陳詞曰君子之

至於斯也吾未嘗不得見也此其意篤而至語恭而周賢哉封人

其若弗克見之思有足多者逮乎從者見之而封人遂有慨乎其

中也乃出而嘆曰二三子何患於喪乎蓋否而必泰者天也往而

必返者勢哉乎有其具不患無其施而註於藏當必大於用則今

儀承供茶古

所以一見而有木鐸之嘆也

舉焉

叙次開明

斷一筆

敘○語○有○力○有○神○通○篇○文○

勢○候○疾

必○返○者○勢○哉○乎○有○其○具○不○患○無○其○施○而○註○於○藏○當○必○大○於○用○則○今

天下聾聵舍夫子其誰起故曰天下之無道也久矣天將以夫子  
爲木鐸噫夫子生不遇于時結觀爲如饑封人者亦可爲傾蓋之交也  
閒閒爲來不着一毫筆墨風神跌宕意致蒼涼真仙境也○先  
生理學爲勝朝第一而行文古逸上配龍門昌黎彼以迂救沉  
痾馮程朱者真優孟衣冠耳

一日克己

勿動

○決○題○種○抽○然○升○索○周○通○又○為○全○篇○立○柱○奇○甚○  
聖人論為仁之效而言机之不預于人答問仁之目而言欲之當

制于己夫為仁必有其效而机則在于己也苟不唯欲之是制焉

又何以見仁果不由乎人哉思昔圣人因顏子問仁而告之意謂

己者一身之私欲也而吾克之如勝敵然礼者天理之節文也而

吾徇之如赴冢然今日克己而惟礼是復則今日天下之好是懿

德者莫汙與吾明日復礼而無已可克則明日天下之同此秉

彛者亦莫不許禮仁然速難在于一日之頃也而克復之机我自


決尔八何所庸其功為大雖極乎天下之壯也而克復之机我自



盡耳人何可措其力為豈非論為仁之效而言机之不預于人乎  
○波○活○老○其○冠○然全人之論方已顯于之○即契故不復有所疑問而直請其條  
目為子是聖人入答之意謂自主乎視耳司乎听而不能無非礼  
○者○之入也禁其入為之非礼而有以全吾仁言發乎口動萌諸心而  
不能無非礼之出也禁其出為之非礼而得以存吾仁然克視所  
之私以復乎礼固已决自我之机勝言動之欲而復乎礼亦何預  
由人之力又非答問仁之目而言欲之当制于已乎大抵克已復  
礼乾道也非至明不能察理欲之机非至健無以致克復之决故  
惟顏子得聞之而能幾于無我為聖門之好學也與

無義不實。無意不到。散碎中見嚴整。對偶中見參差。語、理、字、而、不、覺、陳、腐、之、色。蒼、堅、朴、老。自然名貴。然選家知之者鮮矣。

日克  
條



大學之道 一節

聖經以大學望天下、而脩舉其道、為蓋明德新民與止至善合、而

大人之体用具矣、此之謂大學也、嘗謂天下有季術、斯有人品、大

季不可不講也、而季其大者無所不大、季其小者無所不小、故

不可不慎也、吾觀古之教人者、崇養既終、大季伊始、蓋大人之此

生而有之矣、則大人之季亦生而責之矣、是其季果何道、而道思

何在乎、其一曰在明、德人所以惺然于天地間者、恃此靈之

明、而無奈昏焉者之日淪于蔽也、能明則人而同于天、不能明則


人而迹于物、可不季欤、故道在明、德、明即明德也、以本体為工

夫也是大<sup>三〇</sup>學<sup>〇</sup>之<sup>〇</sup>體也<sup>〇</sup>其<sup>〇</sup>一<sup>〇</sup>曰<sup>〇</sup>在<sup>〇</sup>新<sup>〇</sup>民<sup>〇</sup>人<sup>〇</sup>所<sup>〇</sup>以<sup>〇</sup>廓<sup>〇</sup>然<sup>〇</sup>于<sup>〇</sup>群<sup>〇</sup>類<sup>〇</sup>中<sup>〇</sup>者<sup>〇</sup>特<sup>〇</sup>  
 此<sup>〇</sup>同<sup>〇</sup>體<sup>〇</sup>之<sup>〇</sup>明<sup>〇</sup>而<sup>〇</sup>無<sup>〇</sup>奈<sup>〇</sup>拘<sup>〇</sup>焉<sup>〇</sup>者<sup>〇</sup>之<sup>〇</sup>日<sup>〇</sup>淪<sup>〇</sup>于<sup>〇</sup>隘<sup>〇</sup>也<sup>〇</sup>能<sup>〇</sup>新<sup>〇</sup>則<sup>〇</sup>為<sup>〇</sup>萬<sup>〇</sup>物<sup>〇</sup>咸<sup>〇</sup>脩<sup>〇</sup>  
 之<sup>〇</sup>人<sup>〇</sup>不<sup>〇</sup>能<sup>〇</sup>新<sup>〇</sup>則<sup>〇</sup>為<sup>〇</sup>自<sup>〇</sup>私<sup>〇</sup>自<sup>〇</sup>利<sup>〇</sup>之<sup>〇</sup>人<sup>〇</sup>可<sup>〇</sup>不<sup>〇</sup>學<sup>〇</sup>歟<sup>〇</sup>故<sup>〇</sup>道<sup>〇</sup>在<sup>〇</sup>新<sup>〇</sup>民<sup>〇</sup>新<sup>〇</sup>即<sup>〇</sup>明<sup>〇</sup>  
 也<sup>〇</sup>以<sup>〇</sup>作<sup>〇</sup>用<sup>〇</sup>完<sup>〇</sup>本<sup>〇</sup>體<sup>〇</sup>也<sup>〇</sup>是<sup>〇</sup>大<sup>〇</sup>學<sup>〇</sup>之<sup>〇</sup>用<sup>〇</sup>也<sup>〇</sup>其<sup>〇</sup>一<sup>〇</sup>曰<sup>〇</sup>在<sup>〇</sup>止<sup>〇</sup>于<sup>〇</sup>至<sup>〇</sup>善<sup>〇</sup>人<sup>〇</sup>所<sup>〇</sup>以<sup>〇</sup>  
 確<sup>〇</sup>然<sup>〇</sup>底<sup>〇</sup>于<sup>〇</sup>归<sup>〇</sup>宿<sup>〇</sup>而<sup>〇</sup>不<sup>〇</sup>為<sup>〇</sup>搖<sup>〇</sup>奪<sup>〇</sup>者<sup>〇</sup>恃<sup>〇</sup>此<sup>〇</sup>天<sup>〇</sup>然<sup>〇</sup>之<sup>〇</sup>則<sup>〇</sup>而<sup>〇</sup>無<sup>〇</sup>奈<sup>〇</sup>畫<sup>〇</sup>焉<sup>〇</sup>者<sup>〇</sup>之<sup>〇</sup>  
 趨<sup>〇</sup>于<sup>〇</sup>偏<sup>〇</sup>而<sup>〇</sup>不<sup>〇</sup>覓<sup>〇</sup>也<sup>〇</sup>能<sup>〇</sup>止<sup>〇</sup>則<sup>〇</sup>功<sup>〇</sup>夫<sup>〇</sup>事<sup>〇</sup>業<sup>〇</sup>即<sup>〇</sup>是<sup>〇</sup>本<sup>〇</sup>體<sup>〇</sup>不<sup>〇</sup>能<sup>〇</sup>止<sup>〇</sup>則<sup>〇</sup>功<sup>〇</sup>夫<sup>〇</sup>事<sup>〇</sup>  
 業<sup>〇</sup>悉<sup>〇</sup>為<sup>〇</sup>岐<sup>〇</sup>見<sup>〇</sup>可<sup>〇</sup>不<sup>〇</sup>歎<sup>〇</sup>歟<sup>〇</sup>故<sup>〇</sup>道<sup>〇</sup>在<sup>〇</sup>止<sup>〇</sup>至<sup>〇</sup>善<sup>〇</sup>止<sup>〇</sup>即<sup>〇</sup>至<sup>〇</sup>善<sup>〇</sup>而<sup>〇</sup>明<sup>〇</sup>德<sup>〇</sup>新<sup>〇</sup>民<sup>〇</sup>之<sup>〇</sup>  
 極<sup>〇</sup>矩<sup>〇</sup>也<sup>〇</sup>是<sup>〇</sup>大<sup>〇</sup>學<sup>〇</sup>體<sup>〇</sup>用<sup>〇</sup>之<sup>〇</sup>全<sup>〇</sup>也<sup>〇</sup>要<sup>〇</sup>而<sup>〇</sup>言<sup>〇</sup>之<sup>〇</sup>明<sup>〇</sup>德<sup>〇</sup>新<sup>〇</sup>民<sup>〇</sup>無<sup>〇</sup>兩<sup>〇</sup>事<sup>〇</sup>明<sup>〇</sup>新<sup>〇</sup>  
 止<sup>〇</sup>至<sup>〇</sup>善<sup>〇</sup>亦<sup>〇</sup>非<sup>〇</sup>兩<sup>〇</sup>時<sup>〇</sup>然<sup>〇</sup>大<sup>〇</sup>學<sup>〇</sup>必<sup>〇</sup>分<sup>〇</sup>而<sup>〇</sup>言<sup>〇</sup>之<sup>〇</sup>者<sup>〇</sup>要<sup>〇</sup>以<sup>〇</sup>內<sup>〇</sup>外<sup>〇</sup>源<sup>〇</sup>流<sup>〇</sup>其<sup>〇</sup>源<sup>〇</sup>起<sup>〇</sup>  
〇三〇挂〇老〇字〇  
〇崇〇卑〇下〇數〇中〇正〇對〇舉〇

條○理○各○有○節○度○正○不○漫○言○一○貫○而○自○踊○于○職○等○之○差○耳○此○又○古○大  
孝○之○意○所○以○異○于○支○離○叔○滅○之○孝○者○也○  
三○段○正○當○老○成○起○對○俗○孝○結○對○偽○孝○語○有○閱○源

天孝之

蘇



身有所忿

八句


惟心之用有不察故不能不失其正也蓋喜怒哀懼貴乎隨感而  
應也苟豫有之而不察心欲其正得乎大孝釋修身在正其心之義  
謂夫人之一心有体焉有用焉情蘊于中而未發者則為燦然之  
体情見乎外而已發者則為熾然之極是故忿懣者怒心之發而  
為情者也人孰無怒乎怒在物可也在心不可也苟忿懣之心一  
發而不察則反為情欲所牽于是乎有不当怒而怒者矣奚其正  
恐懼者畏心之發而為情者也人孰無畏乎畏在理可也在心不  
可也苟恐懼之心一發而不察則反為利害所感于是乎有不当



長而畏者矣。奚其正。至于喜心所發。則爲好樂之情。人不能無也。  
○使○得○其○道○而○心○果○何○所○累○哉。苟或一于好樂而不察。則邪妄之談。  
○引○得○無○所○不○至○矣。又奚其正。慮心所發。則爲憂慮之情。人亦不能  
○無○也。使○中○其○甲○而○心○果○何○所○繫○哉。苟或一于憂慮而不察。則頹忌  
○之○惶○惑○將○無○所○不○至○矣。又奚其正。是其物之未來也。而迎之以意。  
○必○已○失○乎。渾然大公之体。及其物之既往也。而留之以固。我又乖  
○乎。燦然頽應之常。此情之所以不制。心之所以不正。欲正心者。烏  
○可○以○不○察○哉。

此是因用而累体。心之用即意也。用而能察。即知也。蓋致知誠

意。只辨得是非。散長中有倫。理中有滯。尚須一層工夫。推動  
細密。粹然醇備。



流連荒亡

臣觀盤樂之弊而齊君可監矣夫流連荒亡有一于此民且不  
甚困也而况四者之交騁乎宜晏子舉以為景公告也若曰古昔  
先王之治天下也先天下之憂而憂後天下之樂而樂也○從○下○句○例○入○本○題○非○先○輩○大○膽○不○能○使今時  
之君而皆心先王之心焉則逸遊有戒何有于流而亦何有于連  
也宴樂有戒何有于荒而亦何有于亡也顧乃淫荒以遊每多欲  
之是遠放縱無道惟多樂之是耽時乎而流焉時乎而連焉會不  
○點○法○喧○視○法知閭里之流離可憫而亦不知孰獨之顛連可念也樂其所以荒  
焉樂其所以亡焉曾不思賦詠之荒蕪可患而亦不思黎庶之淪

亡○可○憂○也○析○此○流○者○連○者○荒○且○亡○者○而○觀○之○雖○各○隨○其○情○之○所○欲○  
○世○有○多○族  
 而○未○必○兼○為○于○一○時○合○此○流○者○連○者○荒○且○亡○者○而○觀○之○各○極○其○心○  
○四○字○分○氣○不○得○下○句○又○覺○犯○不○得○  
 之○所○欲○而○相○尋○于○無○窮○之○樂○無○窮○而○民○財○有○恨○志○無○已○而○民○力○  
○兵○以○民○情○相○連○德○連○德○連○德○文○  
 易○竭○以○有○恨○之○財○而○供○無○窮○之○樂○以○易○竭○之○力○而○從○無○已○之○志○民○  
○皆○善○皆○善○  
 困○之○所○以○日○甚○而○民○怨○之○所○以○日○深○也○諸○侯○其○憂○矣○  
 吾○王○四○句○是○上○下○俱○樂○此○二○句○上○樂○下○憂○此○句○說○樂○下○句○說○憂○  
 題○面○雖○虛○只○極○摹○樂○字○反○托○憂○字○則○本○句○不○刻○劃○而○自○工○下○句○  
 不○影○逼○而○自○起○矣○

仁義禮智

者也

被○題○右○抽○知○于○題○而○二○句○不○滿○  
 理○本○固○有○而○在○人○不○知○求○習○始○相○遠○而○由○人○之○自○棄○夫○性○雖○天○賦○  
 而○當○知○操○舍○之○幾○習○與○性○成○而○宜○謹○善○惡○之○介○其○或○昧○思○求○之○心○  
 而○無○擴○充○之○力○亦○豈○能○盡○其○才○哉○且○夫○惻○隱○之○仁○羞○惡○之○義○固○人○  
 之○性○也○心○者○性○之○郭○廓○而○性○處○于○心○之○內○初○非○由○彼○以○及○此○也○恭○  
 敬○之○禮○是○非○之○智○亦○人○之○性○也○心○者○性○之○將○帥○而○性○統○于○心○之○中○  
 初○非○自○外○而○至○內○也○然○性○雖○在○內○而○人○不○知○其○所○以○思○性○雖○固○有○  
 而○人○不○知○其○所○當○求○務○不○知○心○存○而○理○自○得○氣○至○而○理○亦○至○故○弟○  
 思○則○已○而○思○之○有○必○明○且○弗○求○則○已○而○求○之○有○必○得○此○其○得○失○之○

幾在我而善惡之品所由分爲所以或一倍或五倍之相遠。或推而極于無數之可筭。是何也。亦由不思不求而不能擴充以盡其才耳。夫才爲心之用。而萬理無不具。才爲性之能。而衆善無不完。使能思而求之。則知足以周萬物之情。必有以全四者之心于已矣。使能擴而充之。則道足以濟天下之衆。必有以遠無筭之濫于人矣。噫。性之得失係于已。而已之善惡由於心。心也者。所以統性情而盡才能者歟。

真西山云。曰思曰求曰盡。皆孟子喫緊爲人處。文亦警而得情。

思是察識蓋是擴充求在思與盡之間三層說別分明文極朴

至



--	--	--



乾隆三十年夏四月分全刊

重刻薛刑部和唐詩序

關中 許秉簡孟書

皇帝御極之三十載河津薛氏重刻厥祖員外  
郎元吉先生詩一卷行於世先生諱禕字  
元吉明禮部尙書內閣大學士從祀

至聖先師廟文清公孟孫也幼穎異讀書過眼成  
誦文清公喜曰傳吾道者若也嘗遊龍門  
文清公屬記一碑比歸日暝以手摩碑默  
誌一字不謬年二十八登天順甲申進士

先是春圍災焚死者千餘人先生罄力絕  
人升墻援救甚衆比秋再試中式二百四  
十七人先生與焉時文清公年已七十五  
矣余意先生天資既異又親炙文清公慙  
訓所爲詩文必登古人堂奧乃不概見何  
歟豈三百餘年多所遺亡抑理學自有真  
固不屑屑以詩文傳也今所刻和唐詩乃  
戶部郎中高公拱辰手抄以授梓者迹其  
抗衡三唐固已目無元宋其胸襟高邁爲

何如者先生官終刑部員外郎故稱刑部  
猶小陵之稱工部云時

乾隆乙酉也



刑部公不肖高祖也登天順甲申進士官刑

部員外郎爲先祖文清公之元孫品格行  
誼克肖厥祖詩文特其緒餘耳其和唐人  
詩律凡二百餘篇稿藏於家笥久矣乃

戶部郎中高公分署陝西榆林鎮以前詩  
稿抄寄以壽諸梓不肖欲廣傳先人之盛美

因以成高公之雅意遂命工刻諸宣鎮之  
三槐堂焉高公諱拱辰由丁卯舉人其母

係高祖之孫女不肖輩之祖姑也公潛心理學動以道義自律前任西安府同知曾以清廉舉卓異遊宦處多刻文清祖行錄手稿五友詩諸書蓋景仰前哲而有得者也茲舉也特其一端云爾時在

萬曆丁酉歲八月十五日也

不肖元孫薛應麟謹識

薛刑部詩集

余自退處以來夙志荒疎又兼農務所嬰平日辛苦而僅有之者十喪八九畊作之暇偶閱唐詩正音愛其溫厚和平有風雅之遺意因援韻步其一二非敢言詩聊以玩愒歲月之咎耳若夫韻之順逆仍依其舊云

龍門薛祿元吉謹識

早朝酌郭給事

烟烟東華曉月輝城頭睥睨早鴉飛銅壺滴漏籌初住紫閣鳴鞘鳥乍稀旭日分光臨寶殿輕霞凝彩護彤闈却憐



往歲官秋部幾度駕行觀衮衣

春日幸望春宮應制

翠華出幸爲春憐  
細雨初晴萬瑞烟  
楊柳陰中雕輦過  
杏花香外彩旌懸  
天開黃道迎龍去  
日捧祥雲到御前  
品類欣欣沾帝澤  
鳶飛魚躍聽薰絃

早朝

五夜銅壺咽曉籌  
侍臣恭候着雲裘  
金門傳詔開魚璣  
斧座垂裳正冕旒  
銀燭光添春色麗  
玉爐香逐曙煙浮  
只今身在江湖外  
幾向東風嘆白頭

奉和御制春日幸望

帝子乘春臨鳳闕離宮一帶傍山斜烟籠玉砌朱門柳香  
觀金輿御苑花彩仗旌邊嘶駱馬綠陰樹裏看人家宸章  
照晰光雲漢却媿無才答舜華

次李員外扈從溫泉

禁鼓沉沉未撞鐘蒼烟曙色曉重重日臨仙掌開三殿雲  
捧金輿駕六龍泉水清漣承畫舫驪山紫翠列瓊峰從官  
多奏長揚賦獨有曹郎沐寵榮

勅借九成宮避暑

畏日何堪三伏暑乘涼特借九成宮階前樹色侵簷內林  
外泉聲入座中鳥向歌筵喧鼓吹雲來行幕結房櫳廣寒

官殿無能過閨苑蓬壺總是空

南原望漢宮

故國空存舊日名行人過此意難平  
千年古堞鴉猶落半夜關山月自生  
野水荒崗還入望暮烟秋草尚含情  
當時成敗何須問碧漢依然鳥陣橫

宿淮浦司空曙

離羣不盡索居憂又向南方訪舊遊  
身世雲霄雙倦鳥生涯江漢一虛舟  
烟遮楚樹連山沒風蕩淮河帶月流  
旅况滿懷何處釋擬從沽酒去登樓

寒食內宴

帝城禁火曉風寒聖主恩優賜極懽丹陛戲呈仙部樂官  
壺催瀉太庖官冷烟不到黃金屋瑞氣常浮碧玉欄五品  
京官曾與宴慶成三次御前看

三月李明府後庭泛舟

謝家臺館景如何枉道唵詩許一過紅杏碧桃春不老新  
蒲細柳趣偏多流觴難盡斯文好遲日況逢天氣和蕩漾  
小舟時已暮夕陽返照下池波

長安秋夜卽事

砧聲又報漢官秋涼滿天家十二樓白道有星皆北向銀  
河無水不西流月臨魚瑣關朱戶風遞鸞笙宴列侯獨笑

詞人清不寐，閑吟蟋蟀慰深愁。

早春歸盪屋舊居寄耿潭

荆棘蕪蕪路不分，村墟落日鳥成羣。  
春風有鷺棲荒巷，寒食何人上古墳。  
林下雉鳴常近客，花間犬吠乍驚雲。  
堪憐故業凋殘甚，特寫鄉愁遠寄君。

晚次鄂州

行役匆匆到鄂城，筭來多少短長程。  
百年旅恨青山老，一夜鄉思白髮生。  
江菼映霜綠岸綠，蘆花和月近人明。  
欲知故里關心處，五鼓樓前過雁聲。

送李少府

周道駢駢六轡垂河梁握手各含悲臨岐且盡須臾酒回首難禁別後詩五兩南風帆去遠半竿落日馬行遲人生世上皆如旅何必今朝益慘其

酬張芬赦後見寄

當年莫論鳳啣書遇赦休官罪未除和氣不回寒谷下離明豈照覆盆餘海邊久約鷗同伴山裏還從鹿共居寄與故人詩少荅羞將魚目比玄珠

周家谿亭

憐君解組離仙仗結屋林間養病身種柳滿谿無空地看花隔水到西隣野猿上樹常偷菓山鬼來家解問人自得

南開尚言  
箇中真樂趣不須還慕有功臣

和祠祭王員外雪後早朝卽事

曉來微暖訝寒歸玉宇同雲曙闕輝  
紫禁凝華承翠輦丹墀颺彩護朱衣  
梅花映月懷林浦柳絮隨風憶謝闈  
共賀豐年皆作頌獨憐郢曲古今稀

和韋太常溫泉寓目

帝子離宮傍翠隈登臨一望曙烟開  
樓臺盡出驪山上閣道斜侵渭水來  
花萼城邊冠蓋過曲江池畔綺羅回  
漢庭獻賦知多少獨有相知擅大才

春日與裴迪訪呂逸人不遇

春雨初晴浥路塵鹿門深處訪沉淪  
花開谷口空啼鳥犬吠林間不見人  
三畝荒居臨野澗一庭芳草作親隣  
無心軒冕甘焦悴攀鳳從教與附麟

早朝大明宮

蓮炬朝天紫燄長海霞初絢色蒼蒼  
戍樓刻漏傳仙掖溫樹啼鴉遶建章  
內史直門開曉殿近臣當座試名香  
縉紳爭羨臺端客終日簪毫侍帝王

次早春裴舍人

嚶嚶啼鳥遶疎林柳覆鑿坡半畝陰  
馳道玉聲花下盡禁前春色午前深  
二毛羞見王孫草五夜愁懷望帝心  
功乏



南開音言  
郎官無補報早來林下戴輪巾

登安陽城樓

嶠冢源從漢水流縈紆還遶漢陽州更無故老詢前事祇  
有蒼山相對愁臺榭盡臨紅蓼渡鄉村多近白蘋洲湖湘  
昔日風光好却喜今朝遂壯遊

黃鶴樓

往年曾憶漢南遊今日始登黃鶴樓仙子臨風跨鶴去洞  
庭春水只悠悠青山翠遶芳蓀浦落日烟橫杜若洲更向  
滄浪尋釣侶相逢問荅解深愁

使君席夜送人

夜深廷館沸朱絲，皓齒嬌歌蹙盡眉。  
僕從脂車留不住，離杯到手莫推辭。  
五更鍾動催人去，千里書回寄屬遲。  
別後相思何處苦，一聲晚笛倚樓時。

行經華陰

層巒積翠壯秦京，美矣山河画不成。  
玉女峰頭烟乍散，蓮花井裏霧初晴。  
琪林瑤草春長在，石磴丹梯路未平。  
特訪希夷高卧處，肯將妙訣啟愚生。

送柳使君赴袁州

分符出守新承寵，握手河梁惜解違。  
風定洞庭雙櫓過，雲開衡嶽一麾歸。  
蠻方寥落分衙靜，殊俗羈縻吏事稀。  
盛世

南州高詠  
再城誰可似不須回首嘆斜暉

蘇臺人家盡空悵然自作

水漲荒塘蔓白蘋感時傷抱淚沾巾鸞尋舊主朝迷巷犬  
守虛扉夜吹人芳草滿庭空自綠閒花映日爲誰春何堪  
回首平蕪望不見田疇獨土塵

九日登仙臺呈劉明府

層層苔蘚翳高臺此日登臨曙乍開野鳥將雛歸樹去溪  
雲拖雨過山來漢文此日將何在仙子終年竟不回俯仰  
人間成故跡不如籬下且啣杯

送王李二少府貶潭峽

殷勤相送意何如，遠道尤宜慎起居。  
囊裏有錢須沽酒，幕中無事莫拋書。  
瞿塘峽口潮來少，衡岳峰頭鴈過疏。  
聖德包容無內外，殊方且去少躊躇。

登余干城

郢城高與碧山齊，此日登臨日已西。  
野草涸塘無鴈到，暮雲古堞有鴉啼。  
蒼蒼煙浦紅籬綠，歷歷晴川楚樹低。  
獨看多情千載月，夜來猶自下前溪。

和賈至早朝

曙氣蒼涼拂面寒，樓頭五鼓漏將闌。  
龍旗入處開雙掖，玉珮鳴時拜百官。  
月色映欄猶未落，露華凝柳幾曾乾。  
唐人

蘇州詩話  
裁句知多少獨有早朝詩最難

送李司馬歸扶風

憐君鄉思一何殷擺脫浮名決意還渭水漁磯歸處夢華  
陰仙掌到時山壺中有限還須慮身外其他總是閑回首  
遙知懷魏闕臨風揮洒淚班班

寄司勳盧員外

聲名籍甚逼咸陽皂白囊中貯諫章製作每推唐陸相風  
流還憶漢田郎金門待漏三更月紫禁趨朝兩袖香韞上  
饑鷹應聽喚雲霄猶欲去飛揚

赴嘉州尋趙禪師

招堤來看效冬葩老衲池頭浣垢裝澗下落花墮水出階  
前種藥傍欄斜竹林徑裏閑僧履祇樹園中駐使車誰想  
釋家多妙趣紅塵却悔度年華

送魏萬之京

早是離情慘別歌更堪秋色滿官河菊花不似平時玩楓  
渡難同往日過野店夜霜寒氣迴禁城曉日彩雲多紫宸  
朝退如清暇莫遣音書報少訖

早朝日寄所知

晴霄幾度看歸鴻鴛鴦當年一字同綠柳垂絲青瑣外朱  
旌拂露建章中曉籌漏裏闌三殿玉笋班頭讓上公遙想

長安聯轡日不禁清淚落東風

秋日寄懷上人

閒寂空門無著住忘機常與鳥爲羣  
階頭紅葉風來掃  
裏名香客到焚  
雨晴池面魚吹浪  
煙暝松枝鶴垂雲  
老衲不知年  
幾許鵲巢頂上雪紛紛

送陸漕倉曹西上

京師去去欲誰依  
洛下緇塵困陸機  
鏡裏漸看秋髮老  
眼前殊覺故人稀  
九衢甲第都懸榻  
到處朱門半掩扉  
春雪滿街何所往  
且來林下製荷衣

與從弟兵曹宴集

畫堂深處有佳期，弟酌兄酌何所思。惜度星霜須縱酒，怕  
愁花鳥又成詩。燒殘銀燭燕闌後，推倒玉山人醉時。扶得  
歸來明月裏，滿身清影步遲遲。

別岩士元

曉來送別出春城，祖席野亭天乍晴。灼灼雨花愁有淚，萋  
萋煙草恨無聲。石磯雲霧行邊景，江浦月明看處情。不是  
等閑山下去，知君有意在蒼生。

過賈誼宅

薄遊過此去遲遲，所謂伊人獨可悲。楓樹蕭條流涕日，湘  
江嗚咽放聲時。絳侯悍將言非當，鵬鳥微禽對豈知。自古



英才同一律臨風搔首恨無涯

茂陵

綠野參差蔽莽稍壘壘高塚在晴郊衣冠逐道埋金碗翁  
仲荒阡載玉翹夜月有情臨宰木青鸞無信報阿嬌可憐  
松栢今何在不復秋來聽雨瀟

酬李端野寺病居見寄

招堤日夕半窻陰松竹交加一徑深嘯月老猿來後毀脚  
花野鹿到前林幽閒偏可消塵况清靜尤宜養素心寄與  
世間名利客何人肯向此中尋

酬暢當尋嵩岳麻道士

世事寧消一局棋，休將好事度閑時。  
黃芽白雪丹成易，姹女嬰兒藥煉遲。  
瀛島遠尋瑤浦草，蓬壺重看碧桃枝。  
參同契，皆仙訣，此外何須去問師。

幽居春暮書懷

數椽茅屋傍青巒，門外春流響急湍。  
鷺捕游魚穿翠柳，風吹落葢過雕欄。  
濁醪借向牆頭遠，白髮愁從鏡裏看。  
自怨韶光留不住，明朝還訪杏花壇。

送友人遊江南

江南佳麗景，偏新一葉扁舟。  
泛去津水，面樓臺橫，蜃氣墟頭。  
賈客半鮫人海，霞曉映吳山。  
碧雲影，晴涵鏡水，春遊遍。

蘇淞歌舞地知君回首向三秦

寄韋司直

昔日京華識面初相違又是十年餘舊知零落真成夢故  
里凋殘欲借居迂僻祇宜明世棄貧危殊合正人疎風流  
誰似臺端客朝退從容樂自如

春日楊補闕見過

岩畔茅菴春至時參差五柳綠絲垂深林鳥落飛還止僻  
徑人來到不知携酒遠勞君獨往看花多謝蝶相隨却憐  
身外無羈絆爛醉尊前倒白籬

送黃甫赴工部

長亭祖席惜分違  
秋色依稀樹裏微  
楓菊偏憐牽客況  
蕭蕭  
蕭邨恨碍人歸  
津頭雨水添潮浪  
江上煙波蔽夕暉  
握手河梁多少意  
留連不盡謾牽衣

謫官後卧病官舍簡賀侍御

謫宦南遷衆論宜  
暮年衰曲恨相違  
髮邊白雪消何日  
尋裏青山到幾時  
多病人懷忘世念  
遠遊不盡戀鄉悲  
却憐舊識霜臺客  
別後重逢定有期

登咸陽城東樓

閒眺高城滿目愁  
煙波浩渺隔瀛州  
風過北渚微生浪  
日下西山返照樓  
塞上暮雲秦嶺黑  
灘頭紅蓼渭城秋  
荒郊

多少興亡事祇見悠悠涇水流

碧城

仙家樓閣曲欄杆面面珠林曉籟寒  
瑤洞有田皆種玉蓬壺無客不駢鸞  
雲生碧岫當窻起日出瓊桑隔岸看  
夜夜海潮來起月清波常沐水晶盤

九成宮

九成宮殿禁垣西避暑時來沸澗霓  
寶扇障塵分鴈翼龍駒馭駕騁霜蹄  
清風滿挹生林壑碧磴遙攀上鳥梯  
奏賦揚雄偏沐寵天書賜橋折封泥

夏夜宿表兄宅話舊

小雨初晴涼滿庭夜深對酌醉還醒酒逢知己何曾卻話  
到傷心不忍聽春色簷前如過隙朱顏鏡裏各凋零相逢  
未久重相別回首關山鵲暮青

早朝午門西望

紫宸朝出五華西佇立東風望柳堤御水橋頭看洗馬人  
家樹裏聽啼鷄宮槐夾道如檠蓋庭草綠階似剪齊惟有  
閒門春不到夏終猶自冷悽悽

送馬秀才落第歸江南

都門祖道酒斟頻恨別東風草色新烟浦分携憐失意暖  
津解纜遠牽春沙頭白鳥應尋伴江上芙蓉豈怨人歸去

辭  
開  
音  
言  
好遊彭澤令時時且借漉醪巾

西塞懷古

當年都會帝王州雲岫層層宿雨收紫鷺又來尋巷口白  
鷄不復叫山頭獨憐往事埋幽草祇有荒城遶碧流多少  
繁華都不見夕陽一帶秣陵秋

馬嵬

翠蓋西行別鳳州六軍到此請齊休徒聞九域何曾見堪  
笑千年不自籌月殿姮娥猶倚柱鵲橋織女尚牽牛馬嵬  
坡下青青草似向東風怨莫愁

又

鼙鼓聲聲起薊州  
唐家社稷一朝休  
擊梧天子全無策  
攻乳胡兒却有籌  
邊隙開來都是李  
福端生處盡歸牛  
河中  
有女能歌舞  
猶自人前唱  
莫愁

隋宮

錦簇刊清兩岸霞  
蕪城剗處卽爲家  
祗貪玉樹臨江浦  
豈慮膠舟困漢涯  
火底不聞吹晚笛  
枝頭猶見噪寒鴉  
千年觀裏瓊根在  
依舊春來吐雪花

籌策驛

武侯籌策此間書  
遺跡猶留舊儲胥  
八陣曾勞圖鳥翼  
三分豈意屬羊車  
可憐才略人難及  
堪嘆炎精數不如  
千載



江流排石在吞吳遺恨尚存餘

夜投豐德寺謁海上人

林抄飛魚藹磬聲夜投古寺訪僧名野猿見客啣花立樵  
子擔薪戴月行路夾踈篁陰不斷門臨碧澗水長清嗟余  
久抱拋塵念願共慈舟度此生

登柳州城寄漳汀連刺史

城樓高聳倚元荒暇日登臨思渺茫澤國盡將舟作屋山  
家多是竹爲牆烟波蔽日空回首青漢看雲欲斷腸寄語  
同來諸刺史何時鳴珮到天鄉

酬李端見贈

陰陰桃李鶯雙飛久憶還家今始歸白髮無情春共變青  
山有待我相違尋芳老去郊游懶解組年來官况稀爲報  
班行知已者荷衣未肯換朝衣

登洛陽故城

瓦落垣傾長野蒿重來弔古不辭勞祇看舊日山河在不  
見當年殿闕高夜月又從生洛浦宮蛙猶自叫城濠前朝  
無限興亡事消得仙家幾度桃

金陵懷古

秦金枉鎮氣難終虎踞猶存故國空秋草獨來尋晉苑荒  
烟何處是吳宮更無彩鳳鳴朝日祇有寒鴉噪曉風定鼎

只今逢盛世九重魏闕五雲中

驪山

野鳥頻窺內苑桃宮車猶自着征袍池中賜沐金鳧泛山  
上朝元紫閣高夜月無情光皎皎渭河有限浪滔滔可憐  
往事知何在祇有荒基共碧蒿

送肖處士歸緱山

蕭蕭白髮一簪絲又伴樵夫去着碁仙籙在床因看火天  
書無鶴寄來遲宴桃頻赴玉喬洞聽瑟還經湘女祠雨霽  
九疑清可摘知君注目眺參差

重有感

選別高臺萬里游，悲風飄蕩不勝憂。  
祗憐塵世多蒿目，豈見青天有日頭。  
到處荆蕭沾曉露，一羣鸞雀弄清秋。  
燭龍偕向昏衢照，黑白幾分暮海流。

唐音絕句步韻

采蓮曲

雲鬟寶髻聳嵯峨，撐入中流蕩碧波。  
紅霞日照新粧面，借問雙顏比菱荷。

回家偶書

徑路無媒合，早回踈慵况復二毛衰。  
老腰懶向人前折，任笑陶潛落莫來。

簇拍陸州

一別蓬瀛十載餘  
羣仙消息近來疎  
雲深自是無通路  
敢怨稽遲付鶴書

元二使安西

垂驅蹀躞躍輕塵  
遠使安西寵命新  
出關休道相知少  
卽席於今無故人

寄河上段十六

二十年前故舊親  
一行書寄孟河津  
津頭過客知無數  
誰是同舟相濟人

送別

離亭春草碧如絲  
感物傷懷輒自悲  
嗚竹良人莫遠別  
妾顏只恐過當時

明妃詞

簇簇胡笳韻似悲  
琵琶馬上和蕃辭  
由來妾命多薄幸  
敢道不如宮裏時

涼州詞

涼州西去天際間  
漠漠平沙曲曲山  
辛苦誰知征戰子  
鐵衣和雪戍邊關

閨怨

碧草萋萋動妾愁  
朝朝和月宿高樓  
春風莫得閑吹慢  
靜

拂牙床待婿候

唐王建多作宮詞固爲可觀然多露怨恨等字非國風怨而不怒之意因悉屏前項等字以俟有道者正焉

西宮春怨

待幸空含雞舌香  
沉沉春漏覺更長  
捲起玉簾看曉月  
凝粧猶擬到昭陽

長信秋詞

執扇金門待鎖開  
玉階羅襪屢徘徊  
秋風翠輦鳴珠珮  
飛燕昭陽侍寢來

一見秋風一度悲金屏斜倚久沉思團團只有雲邊月得  
見君王遊幸時

青樓曲

小小鳴箏事上皇款摧玉柱韻悠揚宮中別有霓裳曲不  
唱伊州舊樂章

花明柳暗曲江溝白晝嬌歌唱画樓郢中古調無人聽轉  
學新詞悅五侯

西宮秋怨

金床靜拂罷凝粧簾外西風翠荷香寂寂長門深瓊月流  
光那得近君王



春宮曲

玉戶香風綻碧桃  
重重紫閣入雲高  
昭陽殿裏鳴箏處  
飛鷺雙雙舞綉袍

青樓怨

銀燭輝煌照画樓  
琵琶撥盡五更愁  
香幃寂寂閑鴛被  
珠箔纖纖上玉鈎

別李浦之京

河梁分首各東西  
去去休爲岐路迷  
君到京師春已過  
黃鸝正在上林啼

重別李評事

自古或歌行路難眼前咫尺隔長安窮途遊子甘辛苦烈  
烈高臺風正寒

李倉曹飲

冬天燕飲盡情懽玉笋溫溫酒不寒滿座醅醕賓盡醉獨  
將醒眼靜中看

觀獵

沙漠宣威世所稀秋原馬上看鷹飛將軍不獵尋常獸好  
獵非熊載共歸

塞上聞笛

鐵騎翩翩帶月還橫吹夜靜落營間一聲吹折垂楊柳飛

古明詩言  
絮紛紛雪滿山

管州歌

天驕彎弓獵平野一箭雲端雙鴈下落日毡幃美笛茄秋  
風白草嘶胡馬

送魏十六還蘇州

早是悲秋忍別君離歌一曲不堪聞都門祖道憐分手目  
送江南日暮雲

風喬夜泊

澤國微茫水泊天蘆花洲畔泊舟眠吳王臺上三更月依  
舊清光滿釣缸

閨門郎事

紛紛賈客下江舡，歷歷人家附郭田。  
澗草傍幽還背日堤，楊近水更含煙。

送裴郎中貶吉州

滔滔春水瀟瀟，頭一葉顛危任去流。  
君到吉州登岸望風，波猶有未歸舟。

贈人

慷慨傷懷撫劍歌，時光不住老如何。  
憑君欲話心中事，默然無言意更多。

過張山人所居

厭逐春光醉杏園，遠隨流水泛桃源。  
深谷冷無招隱盡，日山中只閉關。

除州西澗

澗邊猗猗秀蘭生，橋上粵粵野鳥鳴。  
出眺況逢天薄暮，南山一帶晚烟橫。

九日

重陽節到慵登眺，却憶官壺賜酒時。  
今日東籬閑採菊，南山回首有深期。

登寶意寺舊遊

梵宇重重插碧天，花盈平野水盈川。  
再來舊事都忘却，祇

見青松似往年

登樓寄王卿

登樓殊與仲宣同  
遠思撩人興不窮  
極目佳人望不見  
烟波浩渺夕陽中

聽隣家吹笙

月上江城霽曉霞  
鳳鳴噫噫隔東家  
一聲吹出梅花調  
五月紛紛落雪花

栢林南望

林杪寒鴉散曉鐘  
上方幽逕暗青松  
泊舟翹首西南望  
疑在西天見鷲峰

峽口送人

峽口嬰啼屬莫春感時傷別淚沾巾于今世上無知己莫把明珠錯贈人

長信宮

待漏金門曉始開宮娥侍輦六龍回笙歌一派從天下又向瑤池會宴來

余作此詞嘗錄寄雲間刑部郎中奚時亨公以書來曰曉始開言其怠政之宴也宮娥侍輦乏賢在側也笙歌言不聽雅樂也瑤池會宴言荒忘遊樂也今公亡矣因記之

寄湖廣張郎中

會托歸鴻爲寄聲  
相思頻望月華明  
夜來忘却官休退  
猶夢聯鑣覲鳳城



薛刑部詩終

乾隆三十九年重陽月北西兩分重刊

題薛文清公手稿

文清先生撰著詩文槩在槩  
素布涓涓內矣茲其手稿而  
厥採士燿輩重付剞劂者也  
夫詩文之遺且厥其辭旨身  
焉茲曰彙况隱翁之畱精光如

在手宜其寶然而奉持與教  
也先生之筆一得之心而應之  
手而學之者緣手蹟而窺  
其心故睹筆鋒之道勁宛  
健德之箴刑其超跼狗表巖  
匪韜着不挫不撓初終奔渝

如此筆耳一竄先生之筆一者  
植為標表自度自範可也  
天啓丁卯春三月望後

安邑後學曹子汭書



崇禎十六年歲次癸未仲春吉旦

九代嫡孫壬午科舉人

薛繼巖重刊  
呂胤

薛文清公手稿

士景為仙聖  
孔彥縉賦詩絕

小亭花雨

小結茅亭壘石臺  
繞亭時雨百  
花開一襟道氣清  
如許更挹幽香  
滿座來

曾過君家飲小亭  
醉看甘雨濕  
春聲別來生意應  
如昨長對東  
風閱聖經

夾道槐雲

夾路槐根孔世家  
兩行瓦蓋影  
敲斜要承濃  
涯千年蔭不羨

秋黃八自花

數竹宮牆一路深  
花零交翠  
落清陰  
紅塵  
交知何在  
祇引  
薰風  
卷道心

蘭階清露

更零露  
灑第  
曉濃  
曉階  
晴



霽轉光風雲仍對此秋  
三弄遠矣  
宜老台調同

九畹秋來遍孔家  
芳華時遠  
石闌遮却應天  
意埽香燼玉  
露年、潤好花

桐井甘泉

千年嘉樹高梧翠一窟寒泉  
碧甃深靜掃濃陰絳紱綈綬  
清冷長是滌塵心

對環佳木桐陰合井冽寒泉  
地脈通綵鳳九霄應有待道源  
千古自無窮

海虞綴錦

長嘆時人憂海虞  
芳姿何事近官墻  
自綴要職春風面  
任遣花神綴錦韉

歸炮初散錦霞空  
綽約仙人半醉中  
莫怪海虞顏色醜  
衆等閑

紅紫第盡春風

落草堆金

綵帶春絲近北堂  
更首紅錦爛天香  
國風千古遺詩在  
對此應知百慮忘

自是東君造化機  
織成金翠

二五  
三  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

懶扣衣細着。一種生之意。喜其字。  
無之。識者稀。

松隱皓月

拂窻涼。賴起秋聲。緜席流  
光皓。月明却憶。鄰軒談夜氣。  
此時心適。喜雙清。

畫堂松月夜  
照虛宴坐澄心  
一卷書莫道  
畫前元有易靜  
中天理亦森如

竹塢

半畝琅玕出  
短塢煖烟輕  
霧碧陰重  
開門靜掃蒼苔

細葉蕭蕭引好風

戴雨金烟一區幽每從長夏  
數止爲一濃陰降不知暑祇  
覓涼凡似水流

苔石壘之翠

山骨移來帶蘚痕層巒壘

峽撥之九翻杏花壇裏三春雨  
疑是岩間一片雲

氣通霄漢潤通泉融結還從  
太古年數點青螺雲起處  
散為霖雨遍山川

老圃繁紅



煖雲無力趨東風，  
少圃芳菲一  
逕通。若問人間真  
太極，便應携  
手看春紅。

參天喬木聖公家，  
庭裏春風  
滿圃香。罌似濂溪  
船外草一般  
生意浩無涯。

古牆秀栢

曲阜城中夫子墻  
墻頭老栢  
心蒼々托根終古同  
元氣未殫  
掬村作棟梁

根蟠厚地柔參矣  
環合宮墻  
不記年  
遙想堯壇傳道日  
唯

應此木見三千

方沼瑞蓮

除魚當奉太極為曾將道筆  
寫清函孔門自是傳心者還  
向方池看夏紅

玉井堂傳太極筆何如方沼

道新紅洗塔更雲如掃藕渣  
潭靜潭潭化中

沂濱書舍為曲午金乳名虛賦

魯城南畔碧溪頭結屋藏  
書去盡幽入尹日光浮野馬隔  
兼波影滯沙鷗真傳四覽

千事遠大道運後六籍求聞  
說洛汭唐此地春風有約  
事追極

泛舟思親

正統五年五月  
十七日作

天地無窮水自流  
野峯半日侍二  
親遊中原道路曾  
驅馬江漢

波濤更泛丹孤嶺光榮叻憲  
節音容寂寞冥胸松楸千思萬  
想情何極目送飛雲到故丘

題屏風  
駉書畫瓊茶四絕

書

鳥跡忽之變化多競將姿媚

逐流波歎知事力通神處點盡  
都從垂教過

盡

翫物工夫有底忙江山萬景入  
微茫欲知盡由乾坤意只有  
濂溪獨擅場

琴

二

山自蒼、水自深、槁桐沆出伯牙心  
鐘期去後今余載誰復人間是  
賞音

禁

夏屋聲敲玉石寒輸贏



其在三臺端侯侯其其自誇高品  
當局方知下子難

區條各議冠仕區嶺南序

逾嶺而南皆古百越之地延袤數千  
里危峯亭壁長澗大壑相與刺  
梭迴環深窈莫測芳草異木生  
其間者繁凋花實率不以時循  
嶺東南又皆大海瀰漫旋繞每

書夜晴霽涵星斗浴日月水  
百怪靡不軒豁呈露至颶風  
或作則濤波洶湧噴薄盪摩  
霆轟轂擊聲震山岳其霧勃  
氣瀕涸輾轉茫無畔岸洲島  
維國若扶南真臘黃支婆利國

之屬動以萬計而四時溫涼蒸燄  
之氣發作無常即故居今行旅將  
息之道為難今東大老熟公少頌  
南清寺人也自瀆書筆仕於中  
外多歷年所官已遷矣一旦引老  
將歸其鄉潘泉諸公有以頌

來山以風氣之異如金而西云者  
為黎云告且重其歸而勸其擇  
地以處焉籍之曰不然吾家宿  
外舊矣封樹城列先祖之丘壙  
存焉陶里如昨垂維之矣此  
在專令之歸方將薦以顯其歸以

伸園極之孝思具擗膠以款平  
青之牧蕉又息以風去之異狡易

夢之必裁金僧不忘尔事也孝不遺

故曰義也合孝與以義可謂篤

於人倫將名擇地而安矣風去之

說誠不足以此動念是厚序終